

T4996/8257.82

v. 10

壹等第

一百十二

名

周承曾

鍾山書院

在院

孟子中肯學說

孟子曰人之所以異於禽獸者幾希庶民去之君子存之
明人物之判幾希因所去以驗所存也夫幾希之理人物之所以
異亦即庶民君子之所以分也不可因所去以驗所存哉且於萬
物之中而稱之為人何異乎異乎其所以為人耳異乎其所以
為人則人誠與物異矣異乎其所以為人心則人又與人異矣
夫至人與人異於是乎千萬人之所同者轉而為一二人之所獨

綿道統正人心此其間維持之力有足重者孟子曰人皆知人與禽獸之有異抑知其所以異者在幾希乎陰陽有同原故理從其朔最初之稟受未必於人物而特判偏全而食息起居相去不遠則危莫危於幾希矣維皇無賦畀則理亦虛懸已具之氣形未必於人物故分厚薄而知覺運動所寓非虛則微莫微於幾希矣夫此幾希也固人之所以為人而異乎禽獸者也可存不可去孰不謂然然而天下有庶民焉昏庸者識見而復奪之以嗜欲攻取之緣則耳目心思已浮而不守天以人雜汨勢將錮蔽之日深錮蔽深斯不能存也汨沒者性靈而復濟之以機械戲渝之事則精神志氣已紛而愈淆性以習移勢且牯亡之愈甚牯亡甚斯不能存也其不能存也皆其去也此所以為庶民也若君子則有不然惕厲憂勤灼然於幾微之界而外端所守爭性分不在事功操存省察卓

然於絕續之交而內固其扁守延心傳以延統緒其存之也此所以
為君子也曠觀今古之間其人心之陷溺者不知凡幾矣有君子
以生其際而人類之防乃固非迂也蓋深恐幾希之理息任其去
而淪於禽獸人類因之而絕耳既已先覺之權操之自己則庶民
之薄軼蕩必不忍坐視焉不相與扶持蓋於此見君子之定力也橫
覽宇宙之大人其事之廢墜者靡所底止矣有君子以持其後而人
道之責乃專非勞也蓋深恐幾希之理亡聽其去而陷於禽獸人
道亦因之而滅耳既已性命之理共之於人則庶民之顛連必不
忍袖手焉不與為援救蓋於見君子之定識也是故君子在上則
係千萬世接續危微之重而居廣居立正位行大道天下共仰其
經綸君子在下則際數百家紛爭擾攘之秋而息邪說距詖行放
淫辭天下共知其法守盡於舜禹諸人之事詳之

苦雨

五古

一雨十日夜、憂澇續、憂旱、天氣重慘風霾、人情厭、屐繖、河水方漲、篙

田禾已沒、稈愁雲淡、不開晴日、失烘偏暖、罕牀牀屋漏多、滑滑泥塗

緩澤國幾處深、炊烟誰家斷、未獲室家安、更覺婦子瘡、米薪價頗

昂貿易煙市難、亶嗚乎、此何堪、小民須翼卵、願寫綠章疏、閭闔通誠

款

變法多主開議院、設報館、論者謂流弊滋多、能言其得失否

議院之開、下情所由達也、報館之設、民智所由開也、以中國

四百兆人之情、而胥陳於上、此議院不可不開、以中國四百

兆人之情、而盡悉於下、此報館不可設、顧議院之開、報館之

設、已有成法、而論者謂易滋流弊、是以莫衷一是、推言其故

蓋以議院有投籤之法、恐其議論紛歧也、報館之有開闕疑之

風恐其報章紕繆也。然此特西人之法，所以因從衆戒不便也。中之與西風土不同，人情不同，嗜好不同，固有宜於西而
不宜中於^中況者，況議一事而賄賂公行，依違附和報一事而
是非倒置，模糊影響。此議院報館之開設於中國，流弊所以
滋多也。



